



Ulloq: 14. Maj 2025
Allaffik: Nordatlantkontoret
Sul.sulia: Simon Holmelund Lange
Suliap normua: 2019-00520
Takussutissiaq: 2933372

MISSINGIUT

Domstolsstyrelse pillugu inatsisip allanngortinneqarnera pillugu inatsisit
assigiinngitsut Kalaallit Nunaannut atuutilersinneqarnissaa pillugu
peqquussut

UAGUT FREDERIK QULINGAT, Guutip Saammaassineratigut uagut
Danmarkip kunngia, nalunaarpugut:

Eqqartuussisarnermik inatsisip inatsisillu assigiinngitsut allat
allanngortinneqarneri pillugit inatsimmi (eqimattakkuutaat
eqqartuussisunut suliassanngortitsisarnerat) nr. 181-imi, 28. februar 2007-
imeersumi § 9, imm. 2¹, eqqartuussisarnermik inatsisip, Domstolsstyrelse
pillugu inatsisip aamma eqqartuussivimmut akitsuut pillugu inatsisip
allanngortinneqarneri pillugit inatsimmi (Eqqartuussisutut ilinniagaqarneq,
eqqartuussinerit nalaanni allatat aallakaatinneqarneri, aappariinneq
imaluunniit angajoqqaatut oqartussaassuseqarneq pillugu suliani
suliassanngortitsisumut aningaasartuutaanngitsumik
eqqartuussivikkoortitsineq aamma eqqartuussummik
naammassisitsiniaanermik suliani eqqartuussivimmut akitsuutit) pillugu
inatsimmi nr. 1266-imi, 16. december 2009-imeersumi § 5²

¹ Aalajangersagaq tulluuttunik oqaasertaqarpoq: »Kunngip peqqussutaatigut § 3
Savalimmiunut aamma Kalaallit Nunaannut atuutilersinneqarsinnaavoq.«

² Aalajangersagaq tulluuttunik oqaasertaqarpoq: »Inatsit Savalimmiunut aamma Kalaallit
Nunaannut atuutinngilaq, kisianni § 2 kunngip peqqussutaatigut, savalimmiuni aamma
Kalaallit Nunaanni pissutsit immikkut ittut allannguutigalugit Savalimmiunut aamma
Kalaallit Nunaannut atuutilersinneqarsinnaavoq.«

eqqartuussisarnermik inatsisip, Domstolsstyrelse pillugu inatsisip aamma eqqartuussivimmu akitsuutit pillugit inatsisip allanngortinneqarnerat pillugu inatsimmi (innuttaasut pillugit suliani eqqartuussisutigit ingerlatsinerit digitaliusumik ingerlanneqalernerat, eqqartuussutit pillugit paasissutissanik katersiviup pilersinneqarnera il.il.) pillugu inatsimmi nr. 1266-imi, 16. december 2009-imeersumi § 6, imm. 2³, eqqartuussisarnermik inatsisip allanngortinneqarnera, Domstolsstyrelse pillugu inatsisip aamma toqusimasup pigisaasa agguarneqartarnerat pillugu inatsisip allanngortinneqarneri pillugit inatsimmi (Eqqartuussiviit Qullersaanni eqqartuussisut amerlassusaat, Domstolsstyrelsip siulersuisuisa katitigaanerat aamma toqusimasup pigisaanik agguaassineq pillugu suliani piumasaqaatinik aningaasarsiassallu pillugit pigisanik agguaassisarnermut eqqartuussivimmu digitaliusumik nalunaaruteqartarneq il.il.) nr. 697-imi 24. maj 2022-imeersumi § 5, imm. 2⁴ malillugit aalajangerneqarpoq:

§ 1

Domstolsstyrelse pillugu inatsimmi nr. 401-imi, 26. juni 1998-imeersumi, kunngip peqqussutaatigit nr. 482-ikkut, 18. juni 1999-imeersukku Kalaallit Nunaannut atuutilersinneqartumi, inatsisikkut nr. 1156-ikkut, 19. december 2003-imeersukku aamma inatsisikkut nr. 552-ikkut, 24. juni 2005-imeersukku allanngortinneqartumi, allannguinerit tulliuuttut suliarineqassapput:

1. § 4, imm. 1-imi, »eqqartuussisuunerit marluk,« kingorna ilanngunneqassaaq: »illoqarfiup eqqartuussiviata præsentia ataaseq,«.

2. § 4, imm. 1-imi, 3-mi aamma 8-mi, »inatsisilerinermut tunngasumik sulisut allat« ima allanngortinneqassaaq: »ilisimatusarnermut tunngasumik sulisut allat«.

3. § 4, imm. 2-mi, oqaaseqatigiit pingajuata kingorna oqaaseqatigiittut nutaatut ilanngunneqassaaq:
»Illoqarfimmi eqqartuussiviit præidentiisa kollegiaanit innersuussinerup kingorna illoqarfimmi eqqartuussiviup præsentia ivertinneqassaaq.«

³ Aalajangersagaq tulliuuttunik oqaasertaqarpoq: »§ 2 kunngip peqqussutaatigit, savalimmiuni aamma Kalaallit Nunaanni pissutsit immikkut ittut allannguutigalugit Savalimmiunut aamma Kalaallit Nunaannut atuutilersinneqarsinnaavoq.«

⁴ Aalajangersagaq tulliuuttunik oqaasertaqarpoq: »§§ 2 aamma 3 kunngip peqqussutaatigit, taama tulleriillutik, savalimmiuni aamma Kalaallit Nunaanni pissutsit immikkut ittut allannguutigalugit Savalimmiunut aamma Kalaallit Nunaannut atuutilersinneqarsinnaapput.«

4. § 4, imm. 2-mi oqaaseqatigiit tallimaanni »Sulineq pillugu nunami siunnersuisoqatigiit« ima allanngortinneqassaaq: »Sulineq pillugu siunnersuisoqatigiit«.

5. § 4, imm. 3-mi, »HK-Landsklubben Dommerkontorerne« ima allanngortinneqassaaq: »HK Landsklubben Danmarks Domstole«.

6. § 9-p kingorna ilanngunneqassaaq:

»§ 9 a. Eqqartuussutit tamanut saqqummiunneqartarnerannut eqqartuussutit pillugit paasissutissanik katersivik Domstolsstyrelsip pilersissavaa ingerlatissallugulu.

Imm. 2. Eqqartuussutit pillugit paasissutissanik katersivimmut atugassanik eqqartuussutit sulianillu suliarinninneq pillugu paasissutissat allat eqqartuussiviit Domstolsstyrelsimut atugassiissutigissavaat.

Imm. 3. Eqqartuussutit aamma sulianik suliarinninneq pillugu paasissutissat, Domstolsstyrelsip imm. 2 malillugu tigusai, pisortat ingerlatsinerat pillugu inatsit aamma pisortat ingerlatsinerat pillugu paasitinneqarsinnaatitaaneq pillugu Inatsisartut inatsisaat malillugu allagaatinik takunnissinnaatitaanermi ilaanneqanngillat. Oqaaseqatigiinni siullerni eqqartuussutitut aamma suliamik suliarinninneq pillugu paasissutissanut taaneqartunut, eqqartuussutit pillugit paasissutissanik katersiviup ingerlanneqarneranut atugassanut, eqqartuussiviit aamma Domstolsstyrelsip akornanni avitseqatigiissutigineqartunut, tamanna aamma atuuppoq.

Imm. 4. Eqqartuussutit pillugit katersivik pillugu aamma taassuma ingerlanneqarnera pillugu Domstolsstyrelse malittarisassanik erseqqinnerusunik aalajangersaasinnaavoq.«

§ 2

Peqqussut ulloq 1. januar 2026 atuutilissaaq.

Tunniunneqarpoq [...], ulloq [...]

Kunngisut Atsiorpugut Naqissusiillutalu

FREDERIK R.

/ Peter Hummelgaard